

鑊琴銅劍樓藏書目錄

1加2
836
8





鐵琴銅劍樓藏書目錄卷第十八

子部六

釋家類

高僧傳十三卷

明支本

梁釋慧皎撰并序後附王曼穎及慧皎書又有龍光

寺釋僧果跋案慧皎會稽上虞人住嘉祥寺學通內

外嘗著涅槃疏十卷梵網戒等義疏梁承聖二年避

侯景難至湓城三年捨化春秋五十有八葬廬山禪

閣寺側是編承寶唱師名僧傳而廣之始漢明帝永

平十年終梁天監十八年凡二百五十七人又附見

二百餘人分爲十科曰譯經曰義解曰神異曰習禪

日明律曰遺身曰誦經曰興福曰經師曰唱導每一

科後系以論贊采摭詳博足備釋門典故每卷後附

音釋此本為萬曆辛亥武林釋寂福校徑山寂照庵

刻每卷有墨圖記云浮渡居士吳用先施貲刻高僧

傳計字若干銀若干云云卷首有天福半偈齋印朱記

續高僧傳四十卷明支那本

唐釋道宣撰并序案道宣姓錢氏丹徒人一云長城

人隋大業中住終南山白泉寺後遷豐德西明二寺

此書外又撰法門文記廣宏明集三寶錄羯磨戒疏

行事鈔義鈔等唐乾封二年卒春秋七十二咸通十

年敕諡澄照是書承慧皎之書而作亦分十科而標

目稍異曰譯經曰解義曰習禪曰明律曰護法曰感

通曰遺身曰讀誦曰興福曰雜科每科系以總論每

卷有音義始梁初運終唐貞觀十有九年凡三百三

十一人附見一百六十八人敘述宏瞻不減皎師之作

此亦萬曆中徑山寂照庵刻卷後有墨圖記五行云

福建福寧州福安縣尹丹陽賀學易施貲刻續高僧

傳計字若干銀若干云云

法苑珠林一百二十卷明支那本

唐釋道世撰李儼序書凡百篇篇有述意敘述詳贍

釋家故實略備可謂彼教中之宏博矣此亦寂照庵

刻本每卷有音義近邑中蔣氏所刻即從此出卷首有吳

省蘭稷堂二朱記

古清涼傳二卷廣清涼傳三卷續清涼傳二卷成道記一

卷補陀洛迦山傳一卷峩眉讚一卷

舊鈔本

唐藍谷沙門慧祥著古清涼傳以華嚴經有云東北  
方有菩薩住處名清涼山遂以五臺山實之詳載封  
域勝迹及古德靈異宋釋延一更從而補之為廣清  
涼傳前有鄒濟川傳末載支道林文殊像讚為世所  
不經見明郡人皇甫子安刻文集祇載文殊師利讚  
一首其像讚未及也廣傳後有續遺七篇釋明崇撰  
其次為續傳皆述所見神異并錄五臺賦詠卷端題  
朝奉郎權發遣河東路提點刑獄公事張商英述據  
大定四年姚孝錫序則商英實與朱奉始并同撰也  
續傳之後為成道記題鴈門釋性徹集載王子安釋  
迦佛賦及如來成道記皆本集所佚又次為補陀洛

迦山傳元盛熙明撰亦仿清涼傳為之最後為峩眉  
讚板心署曰峩眉傳乃標題偶誤卷首總目可證也  
此從天順刊本傳錄末有此板在五臺山廣緣寺僧  
綱司常住庫收一行又有天順六年釋慧瑄後序

新譯大方廣佛華嚴經音義二卷

鈔本

唐釋慧苑撰并序舊寫本作四卷此從北藏本校正  
中引古書多已佚者詳臧在東二跋見張氏藏書志  
惟在東謂慧苑無考今案宋高僧傳慧苑京兆人禮  
華嚴法藏為師陶神練性深達文義號上首門人於  
華嚴一宗尤成精博以新釋之經未有音釋遂博覽  
經書恢張詰訓撰成二卷俾初學之流覽無滯句旋  
曉字源即指是書且知二卷之本乃唐時舊第也惟

此本題京兆靜法寺沙門高僧傳題洛京佛授記寺  
微不同耳卷首有稽瑞樓朱記

宋高僧傳三十卷明支那本

宋釋贊寧撰是書又繼道宣而作始唐高宗時凡五百三十三人附見一百三十人十科一仍道宣舊目惟解義作義解則與慧皎同前列端拱元年進書表及敕蓋贊寧是書乃奉敕撰與慧皎道宣書自撰者異也傳後悉系以論文筆詳贍克追二師之作亦寂照庵所刻

法藏碎金錄十卷明刊本

宋晁迥撰并序陳氏書錄晁氏讀書志俱作法藏碎金案文元裔孫琛跋語及此本板心亦無錄字則卷

首標題當是趙府臆加也明嘉靖間琛於館閣鈔得刻之易名伽談此本首列文元逸事數則後有琛跋板心有趙府居敬堂五字蓋趙藩刻本仍從原名也卷首有潤之所藏朱記

林間錄二卷後集一卷明刊本

宋釋惠洪撰本明上人編曾刻於大觀元年有謝逸序此萬曆甲申歲達觀禪師募願務遠刻成務遠吾邑人師管登之友瞿昆湖巖養齋諸公性喜禪悅者也後有馮夢楨跋卷首有吳卓信印項儒朱記

景德傳燈錄三十卷宋刊本

宋釋道原撰前有翰林學士朝散大夫行左司諫知制誥同修國史判史館事柱國南陽郡開國侯食邑

一千一百戶賜紫金魚袋臣楊億撰序略謂東吳僧道原冥心禪悅索隱空宗披奕世之祖圖采諸方之語錄次序其源派錯綜其詞句由七佛以至大法眼之藏凡五十二世一千七百一人成三十卷目之曰景德傳燈錄詣闕奉進臣等刊削裁定迄茲周歲方遂終篇云云每半葉十三行行廿一至廿五字不等卷二卷三闕鈔補第十至十二闕卷以別一宋本補每半葉十五行行廿八字書中敬鏡貞等字減筆卷首有拜經樓吳氏藏書兔牀經眼朱記

五燈會元二十卷

元刊本

宋釋普濟撰五燈者謂道原景德傳燈錄李遵勗天聖廣燈錄維白建中靖國續燈錄道明聯燈會要正

受嘉泰普燈錄也采摭指要都為一書此元時刻本三四卷末列助刊人姓氏十六卷末有奉佛信人顧道珍書一行

大慧普覺禪師普說一卷

宋刊本

宋釋宗杲撰案年譜師年十七出家便喜雲間睦州說話即廣為普說年譜所引甚多不盡見此卷中每半葉十一行行二十字匡樹字有關筆卷末有蘇郡吳岫圖書朱

記

大慧普覺禪師年譜一卷

宋刊本

宋釋祖詠編前有淳熙癸卯張掄序後有比丘宗演及程公許跋又附呂成公啟一首摹手蹟以刻者又淳祐十二年劉震孫書後宗演跋末有墨圖記云寶

祐癸丑天台比丘德濬募緣重刊於徑山明月堂每  
半葉十一行行二十字案師著與年譜同刻者有宗  
門武庫一卷遺錄一卷語錄三十卷見徐立齋相國  
大藏含經堂書目

讀教記二十卷

宋刊本

題天台沙門法照案法照字晦巖住天竺寺前有自  
序作於嘉定初成於寶祐四年春首列時教圖卷一  
至七曰妙元卷八至十四曰文句卷十五至十八曰  
止觀卷十九至二十曰諸部案天台智者大師為教  
宗晦巖亦宗之此皆記其讀經教諸書而有得者目  
錄後有四明後學可登書本及句當比丘慧舟惟馨  
二行每半葉九行行十八字舊為泰興季氏藏書見

黃氏所刻書目此書初得七卷於湖賈鄭慎齋繼於  
邑中張芙川處復得十三卷補全離而復合即季氏  
所藏者亦奇緣也

卷中有季振  
宜藏書朱記

翻譯名義二十卷

明支那本

宋釋法雲編法雲字天瑞長洲人住蘇州景德寺以  
經典雖經譯潤尚多梵語故作此書翻梵語為漢言  
譯之言易也名義者謂有其名即有其義名所以為  
義也亦寂照庵刻前有紹興丁丑周敦義序後有大  
德辛丑普洽記

龍舒增廣淨土文十二卷

元刊本

題國學進士王日休撰日休字虛中號龍舒居士据  
書中廬陵李氏夢記有乾道癸巳之語又張孝祥序

云紹興辛巳秋過家君于宣城則日休乃南宋人也  
案日休自梓祇十卷見卷十一四明斷佛種人跋其  
十一十二卷乃後人附益是本前有延祐三年江淮  
副總管呂師說狀元張孝祥序又呂元益跋跋後爲  
丞相周益公晉軒李居士及龍舒居士像卷末有廣  
平府肥鄉縣哈喇啤寨營史普通重刊一行又有嘉  
禾在城興聖禪寺德海書四明友雲王鴻刊一行  
釋氏稽古略四卷元刊本  
題烏程職里寶相比丘釋覺岸寶洲編集再治是書  
初名釋氏稽古手鑑故曰再治也前有一序末葉已  
闕失其名又大德乙巳金堂王濬序至正庚寅念常  
序前列歷朝圖及釋迦文佛宗派祖師授受圖明刻

本有李桓序此本亦闕書中於唐代紀年哀帝後復  
有少帝濮王糾一名繼年號天壽朱全忠所立旋被  
鳩爲新舊書本紀所無亦足補闕又其間所引書如  
感應傳石佛記三寶紀皆六朝逸典是亦考僧史者  
所必資也

佛祖通載二十二卷明刊本

元釋念常撰念常字梅屋華亭黃氏子至治癸亥嘗  
乘驛赴京繕寫黃金佛經與余山住持覺岸最善故  
念常是書有覺岸序而覺岸之稽古略念常序之也  
是書至正間嘗刻於嘉興祥符寺有虞集序此明蘇  
州性月上人得其本重刊者卷首有休寧汪季  
青家藏書籍朱記

神僧傳九卷明刊本



不著撰人亦無序跋始東漢摩騰終元瞻巴凡二百  
八人殆出元人所撰多述古德靈異之蹟故曰神僧  
以別於高僧也卷首有王府  
圖書朱記

右釋家

道家類

老子道德經四卷

宋刊本

題河上公章句分道經德經為二前有序及河上公  
傳題太極左仙公葛元造目錄後有建安虞氏刊於  
家塾一條每半葉十行行十七字注字雙行行廿四  
字書中慎字有減筆當是孝宗後刻本案纂圖互注  
本亦河上公注而句多增損遜此舊本之精卷首有  
竹堂藏書及鳳臺家藏士禮居  
臧蕘圖卅年精力所聚諸朱記

纂圖互註老子道德經二卷

元刊本

題河上公章句注釋有太極左仙公葛元序及景定  
改元石廬龔士高序首列道家混元三寶及初真內  
觀靜定與金丹之圖總名老氏聖紀圖故曰纂圖書  
中句字與經籍相合者標出之為互註蓋南宋時免  
園冊本元人依之重刻也

道德真經傳四卷

舊鈔本

唐陸希聲撰并序每節首冠經字注文首冠傳字不  
析道德為二此從正統道藏本傳錄

道德經講義十二卷

明刊本

題宋左街鑒義主管教門公事佑聖觀虛白齋高士  
呂知常撰進卷首有無名氏序謂知常是書宋孝宗

朝曾表進之此本為明正德間鎮安道士李元機與居民邱鳳所刻鳳有後序

道德經解二卷舊鈔本

宋蘇轍撰案唐陸希聲真經傳及蘇氏此書俱不分道經德經為二則猶輔嗣舊第與陳振孫晁以道之說合也此本乃菴竹堂舊鈔有墨筆校改處卷首有葉氏菴

竹堂藏書朱記

道德寶章一卷明刊本

題紫清真人白玉蟾注卷末有翰林學士承旨榮祿大夫知制誥兼修國史趙孟頫一行墨圖記二日松雪齋趙氏書印每半葉六行行十二字鈎摹雕板字畫工妙與真蹟不爽毫髮舊為太倉陸氏藏本卷首末有

張印夢喈張印與載陸潤之嘯雲軒諸朱記

關尹子闡元三卷舊鈔本

題元南谷子杜道堅述道堅當塗人武康計籌山昇元館道士案自序謂關尹子名喜字公文號文始先生卷首又有無名氏撰杜尹二真人傳謂尹真人名軌字公度文始先生從弟杜真人名冲字玄逸偕公度師事文始與經典釋文載喜字公度者異原書本與釋氏相通注闡發精要亦近禪悅家言舊為邑人曹彬侯鈔本卷末自記云己未三春鈔訖中秋前得陳顯微本校一過闕文俱得補足卷首有曹炎印彬侯二朱記

文始真經三卷明刊本

是書每節冠以關尹子曰分一字二柱三極四符五

鑑六七七釜八籌九藥凡九篇猶存舊本之式

沖虛至德真經八卷 宋刊本

題列子張湛處度注有自序已佚案湛為晉時人官光祿勳其母為王輔嗣從姊妹往來外家故亦善譚名理其注此書辭旨簡遠同於輔嗣之注老子也每半葉十四行行二十五字二十六字不等雙行夾注每行三十字殷敬恆貞字有闕筆而頊桓字不闕出北宋槧可知顧澗蘋云書中所附音乃作注者舊音核之殷敬順釋文所云一本作某者皆合則此本猶在殷氏釋文未行以前也黃復翁云以之校世德堂本多所訂正真善本也舊為文氏王氏毛氏季氏徐氏藏書 卷首有玉蘭堂辛夷館印竹塢王印履吉古吳王氏毛晉季印振宜滄葦乾學徐健庵百

宋一塵諸朱記

沖虛至德真經八卷 元刊本

晉張湛注唐當塗縣丞殷敬順釋文前列湛自序次以目錄並劉向進書序案唐志稱天寶元年詔號莊子為南華真經列子為沖虛真經文子為通元真經亢倉子為洞靈真經宋景德四年列子又加至德二字故有是名其注善談名理詞旨簡遠當在林希逸口義之上此本字體清朗元槧之精者舊為泰興季氏藏本 卷首有季振宜藏書朱記

列子膚齋口義二卷 元刊本

題膚齋林希逸首有劉向進書序連接本文天瑞第一與明刻本式異膚齋謂序果出劉向與否不可知

其曰與鄭繆公同時繆必繻字傳寫之誤鄭溪西羣書會紀晁氏讀書志並因之皆未深考故也舊為泰

興季氏藏書卷下缺三十八葉鈔補全卷首有季寓庸珍藏書畫

印振宜家藏滄葦諸朱記

纂圖互註南華真經十卷元刊本

晉郭象注并序附刻陸氏音義於注中卷首列大宗

師天生地在太極之先一段即目為莊子太極說後

繫以周子太極圖及說蓋宋時書肆本元代重刻之

也卷首有方泉山人洪子美印吳中蔣氏珍藏二朱記

南華真經十卷明刊本

晉郭象注此邑人錢圓沙手閱本卷中朱墨藍三色

筆斜行細書上下方皆有識語中有述顧仲恭先師

曰者謂裕愍公兄名大韶也每冊首題莊子乙卯讀

本卷末有乙卯年七月二十日東圃書堂閱完一行

卷首有調運齋湘靈好夢諸朱記

南華真經新傳二十卷附拾遺一卷舊鈔本

題王雱元澤傳其拾遺一卷題王雱元澤集卷首有

自序及無名氏序謂王元澤待制莊子舊無完解元

豐中始得完本於西蜀陳襄氏之家乃以其書親加

校對以授崔氏書肆命工刊行舊有孫應鼈序此本

已佚

莊子肅齋口義十卷元刊本

題肅齋林希逸前有景定辛酉石塘林同序及希逸

發題又宣教郎知邵武軍建寧縣林經德後序據林

序謂希逸諸文頗似莊子此書以口義名者不爲文  
雜俚俗而直述之也

通元真經十二卷

宋刊本

不題撰注人姓名案道藏本有徐靈府注文子十二  
卷卽其書也靈府號默希子晁氏讀書志王氏玉海  
皆作墨希子

袁州本讀書志作默

通元真經續義云靈府錢塘人元宗時徵士隱修衡  
嶽注文子書上進遂封通元真人名其書爲通元真  
經是文子之爲通元真經始於靈府之注也唐藝文  
志載有是書崇文總目雖列其名而注明已闕可知  
宋時已屬罕覯此本完好無闕足稱人間祕笈矣每  
半葉十二行行二十二字雙行夾注每行二十五字

舊藏郡中汪氏

通元真經七卷

舊鈔本

宋朱弁注弁字正儀官大理寺主簿與字少章者又  
一人其注逐句銓解淺顯易明此從正統道藏本傳  
錄故每卷首有寶一寶二等字號

卷首有稽瑞樓朱記

通元真經續義十二卷

舊鈔本

題函谷子杜道堅纂明代道潛堂刻文子本多脫訛  
此本足證其謬又此書傳本絕稀 文瀾閣本從永  
樂大典錄出關道原九守道德上仁上禮五篇此明  
人依道藏本錄出猶足本也卷首有至大間吳全節  
黃石翁序又道堅自序後附釋音一卷

周易參同契發揮三卷釋疑一卷

明刊本

宋俞琰撰并序注參同契者有數家俞氏後出尤博  
覈釋疑三篇考證文字異同處較朱子考異爲詳是  
書津逮祕書刊本佚去釋疑一卷已非玉吾舊第此  
本依元至大間嗣天師張與材刻本重雕前有阮登  
炳張與材杜道堅序

抱朴子內篇二十卷外篇五十卷

舊鈔本

晉葛洪撰并序此明人從正統道藏本錄出外篇中  
百家文行二篇爲尙博篇複出顧澗蒼謂當刪併改  
定合自序恰得五十篇與自序所云直齋書目所載  
自合顧爲平津館校刻此書卽權輿於是本也舊爲  
葉石君藏書

卷首有樸學齋葉樹廉石君諸朱記

真誥二十卷

明刊本

梁陶宏景撰此明俞安期依道藏本雕刻前有高似  
孫屠隆序每卷末附音釋辨訛考訂文字極爲詳慎  
是書舊止十卷文獻通考與書錄解題郡齋讀書志  
皆合此本二十卷蓋入藏時分析說詳安期凡例

新雕洞靈真經五卷

宋刊本

題亢倉子又題何炅注卷末附音義一葉案明黃諫  
音釋本與何注糅雜無復辨別此則猶存何注之舊  
且是書雖多古字而出諫所改竄者亦復不少如全  
道篇亢倉子居羽山之顏三年今黃本子作學三作  
式年作季皆是也每半葉十行行十九二十字不等  
貞敬鏡字有關筆泰興季氏藏本

卷首有季振宜藏書朱記

仙苑編珠二卷疑仙傳三卷

舊鈔本

或書目錄卷十九

七

誦芬室叢刻之一

仙苑編珠題唐天台山道士王松年撰以列仙事衍為四言韻語而詳注其事蹟疑仙傳題隱夫玉簡撰專記道家神術二書與江淮異人錄合裝一冊舊為停雲館藏本後歸毛氏卷末有文待詔題語曰戊午新秋雨天焚香莊誦一過書法秀勁其親筆也卷首文印徵明子晉汲古主人諸朱記

壙城集仙錄六卷

舊鈔本

蜀杜光庭撰所錄皆古之仙女蓋意欲補葛氏神仙傳之遺自聖母元君至西河少女凡三十七人以道藏目錄校之增多昭靈李夫人三元馮夫人南極王夫人女几杜蘭香凡五人似道藏所收尚非足本也書中闕及舜二妃事末復辨其非堯女并舜亦非諡

詞旨錯雜道家所記之書語多荒幻不足信也舊為

汲古毛氏泰興季氏藏書

卷首有毛晉汲古主人季氏珍藏印振宜滄葦吳翌鳳枚庵

氏珍藏諸朱記

雲笈七籤一百二十二卷

明刊本

宋張君房輯并序其書采掇精要述而不作考覈類例悉著指歸道藏菁華略具於是曰七籤者三洞四輔道家舊目也明張萱刊本萱自號清真居士故板心有清真館三字舊為秀野草堂顧氏藏書卷首有堂顧氏藏書印顧嗣立印俠君金守罷印諸朱記

張平叔悟真篇集註五卷

元刊本

宋張伯端撰前後皆有自序一則熙寧乙卯歲一則元豐戊午歲其注有葉士表袁公輔王道呂真人道

光禪師象川翁真一子无名子諸人案翁葆光號无  
名子象川人似與象川翁是一人王道嘗官王府指  
揮著有龍虎經注疏彙而刻之者不知何人是書與  
參同契同爲道家所祖第五卷添入禪宗歌頌蓋道  
家之言必歸宿於禪宗也案 四庫所收注疏三卷  
本乃翁葆光注元戴起宗疏此則別一本也 卷末有  
具壩所  
藏朱  
記

三洞羣仙錄二十卷 舊鈔本

宋陳葆光撰前有紹興甲戌譽里竹軒序謂葆光江  
陰靜應庵道士懲末學之夫怠於勤修乃網羅九流  
百氏之書下逮稗官俚語凡載神仙事者哀爲此書  
以曉後學其書作四言韻語而以所援諸書事蹟詳

爲之注亦同仙苑編珠之類書中眞字減筆當從宋  
刻傳錄後附成化辛丑彭華寶極觀記

華陽陶隱居內傳三卷 舊鈔本

舊題薛蘿孺子賈嵩撰并序先是作隱居傳者除梁  
書本傳外有謝詹事淪所作傳在隱居歸隱華陽時  
又有陶翊本起錄事止齊末門人潘泉文續錄終於  
天監七年嵩以其所載皆甚脫略乃合諸書記載爲  
此書其下卷載及宣和封誥則嵩乃宋時人也此從  
道藏本傳錄

漢天師世家一卷 舊鈔本

嗣漢四十二代天師沖虛子命弟子傅同虛周應瑜  
編校舊爲也是園錢氏藏本見敏求記錢氏又有刊



本後歸顧氏小讀書堆詳卷末黃蕙翁跋卷首有虞山錢曾遵

道藏經目錄四卷闕經目錄一卷舊鈔本

不題編輯名氏按周興嗣千字文編字號一號一函凡一千一百三十四部潛研錢氏云宋藏經目錄失傳此冊乃元人所記中多吾儒當讀之書右道家

鐵琴銅劍樓藏書目錄卷十八終書中更字

鐵琴銅劍樓藏書目錄卷第十九

集部一楚辭類

楚辭集注八卷辨證二卷宋刊本

宋朱子撰後附揚子雲反離騷一篇並洪興祖論自加論語於後卷一卷二鈔補全其後語已佚每葉十四行雙行夾注行十五字注字同案書中字句與文選所錄有互異處然皆注明某字一作某與韓文考異同例間有勘定語如離騷循繩墨而不頗注循一作脩非是湘夫人登白蘋兮騁望注蘋音煩一作蘋非是之類辨證二卷行式悉同前有嘉定癸酉三月

甲子口陽王泂序云刊於口口貢郡齋俾學者口風雅之變云則嘉定六年刊本也舊爲太倉陸氏藏書

卷首有陸時化印聽松老人二朱記

楚辭八卷附辨證二卷後語六卷

元刊本

朱子既作集注復訂舊注之謬爲辨證又以晁補之所輯續楚辭二十卷變離騷二十卷刪定五十二篇爲後語二書皆自爲之序

每卷有求是室藏本朱記卷四有趙印子印朱記

楚辭補注十七卷

明刊本

題校書郎王逸上曲阿洪興祖補注案陳氏書錄附考異一卷本別爲一書此迺散入各句下非洪氏原本之舊然猶是明緡宋刻宋諱字俱減筆知此書在宋時已竄亂矣

離騷草木疏四卷

影鈔宋本

宋吳仁傑撰卷末有仁傑自跋及方燦跋又有張師尹杜醇吳世傑校正三行蓋從慶元庚申刊本傳錄者

離騷集傳一卷

宋刊本

題晉陵錢杲之集傳此書惟見錢氏敏求記其注一稟王氏旁采爾雅山海經本草淮南子諸書分一篇三百七十三句爲十四節與別本字有異同多少者一一注明每半葉九行行十八字注用雙行字數同貞楨字有關筆卷端有方薰畫蘭一幀末葉有舜城朱承爵校讎訖一行舊爲毛子晉曹棟亭藏本

卷首有舜城居士子詹戊戌毛晉汲古閣毛袁字華伯號質菴棟亭曹氏藏書胡開遠珍藏印諸朱記

別集類一

蔡中郎文集十卷

明活字本

漢左中郎將蔡邕伯喈撰此十卷本與宋志及陳氏書錄合明華氏得舊鈔以活字印出有平陽歐靜序文獻通考載陳氏曰作歐陽靜未詳孰是世以此本為最古目後有正德乙亥春三月錫山蘭雪堂華堅允剛活字銅版印行二行萬歷間有徐子器刻本雖依舊第而有增刪處失其真矣如被收時表中有反名仇怨奉公句考本傳亦有劾以仇怨奉公云云案奉公謂劉邵仇怨者質邕仇怨邵也言反以仇怨奉公為名而陷邕父子也徐本刪之非是

蔡中郎文集十卷

鈔校本

黃蕘圃氏於影寫蘭雪堂本以樸學齋舊鈔本參校用朱筆拈於上下方復以墨筆寫顧澗菴氏校語多所訂正此即逡錄本也顧氏有跋曰東漢人文集存於世者僅此一種尚是宋以前人所編其餘無之矣又此集頗與今文家之學有關涉尤學者所不可廢此予所以亟亟費日力為之再三訂正者也又跋曰丁卯正月校讀一過凡訂正若干條中有絕精處索解人不得矣五月再校於江寧用後漢書參訂又添若干條又跋曰活字版似據一行書寫本作底子故數譌為如閑譌為困之類往往而有若得宋槧必多是正也又黃氏自跋曰取周香巖家藏舊鈔本校舊鈔係樸學齋所藏前無序有目分卷多同行字互有

得失終以舊鈔爲勝惜舊鈔係行草筆畫未能明了故傳活字本以舊鈔校之參取兩本之勝處可矣

曹子建集十卷

宋刊本

魏陳思王曹植撰隋志三十卷唐志陳氏書錄二十卷通考作十卷此卽十卷本也爲南宋時刊本每半葉八行行十五字板刻精妙字大悅目凡賦四十三篇詩六十三篇雜文九十篇與明嘉靖時郭萬程本篇數次第不合卷四無述行賦卷五無七步詩卷七班婕妤贊在禹妻贊前漢高帝贊在巢父贊前卷八謝賜柰表在求自試表前案 四庫提要稱宋寧宗嘉定六年本凡賦四十四篇詩七十四篇雜文九十二篇與此本不合書中慎字省筆而敦廓字不省知

此刻猶在嘉定以前也舊爲毘陵周氏藏書

卷首有毘陵周

氏九松迂叟藏書記周印良金二朱記

曹子建集十卷

明刊本

此明嘉靖間吳中郭萬程刻本有徐伯虬序舊藏馮氏嘉慶丁亥七月假同里張子謙所藏明初活字本對勘一過

卷首有簡緣馮武上黨馮氏藏本諸朱記

嵇中散集十卷

明刊本

晉嵇康撰隋志十五卷崇文總目陳氏書錄已作十卷此明嘉靖間吳中黃省曾所刻有序

陸士衡文集十卷

校宋本

題晉平原內史吳郡陸機士衡撰宋慶元間徐民瞻合士龍集刻之曰二俊集此明正德間陸元大刻本

卽從徐本繙雕者有徐序都穆跋此本徐序已佚舊  
藏大石山房孫氏黃復翁傳錄陸氏敕先校宋本於  
上陸記云宋本半葉十一行行二十字卷首有朝讓  
孫光父大石  
山房諸  
朱記

陸士龍文集十卷校宋本

題晉清河內史陸雲士龍撰此亦陸元大刻本有都  
穆跋卷末有陳子準氏題記云道光元年十月十二  
日借同里張氏愛日齋所藏影宋鈔本校勘

支道林集一卷明刊本

晉釋支遁撰凡詩十八首雜文十六首嘉靖間郡人  
皇甫湊輯錄成帙序而刊之卷首有錢曾之印遵  
王樸學齋諸朱記

陶淵明集二冊宋刊本

宋曾集刊每半葉十行行十六字不分卷無序目首  
詩次雜文感士不遇賦閑情賦歸去來兮辭桃花源  
記晉故征西大將軍長史孟府君傳五柳先生傳與  
子儼等疏祭程氏妹文祭從弟敬遠文自祭文凡十  
篇後附顏光祿誄昭明太子傳并曾氏自題一篇共  
七十番其所以去卷第與夫五孝傳以下四八目雜  
著具詳自題中雖云非敢有所去取實則別具鑒裁  
伏讀 四庫全書總目云五孝傳及四八目所引尚  
書自相矛盾決不出於一手當必依託之文今四八  
目已經

睿鑒指示灼知其贗別著於錄其五孝傳文義庸淺決非  
潛作今並刪除云云曾氏蚤見及此不可謂非先覺

者矣書中殷敬恆貞桓構慎敦等字皆缺末筆小注一作比時本尤備其稱宋本者蓋卽宋元憲所傳江左本也毛氏汲古閣珍藏祕書目錄有宋本陶集云桃花源記欣然規往不同俗本規誤親五柳先生傳贊黔婁下注一有之妻二字正與列女傳合是本並同與毛氏所藏雖非一刻要皆所謂與世本質異者也考明江西通志南康府名宦傳曾集字致虛章貢人紹熙間知南康軍勤理庶務篤信仁賢修劉渙墓亭割公田以奉其祀朱子稱其有尊賢尚德之心爲政知所先後其事詳見朱子壯節亭記及冰玉堂記二記並作於紹熙三年而是集之刻自題紹熙壬子卽是年也蓋旣葺劉公墓又作堂於其故居復以南

康爲淵明舊游處因刊是集以補軼事亟亟焉表章先賢以風世勵俗其異於俗吏之所爲遠矣宜朱子亟稱之也其自題世所罕見用並著之曰淵明集行於世尙矣校讎卷第其詳見於宋宣徽私記北齊陽休之論載南康蓋淵明舊游處也栗里上京東西不能二十里世變推移不復可識獨醉石隱然荒野草樹亂流中榛莽蕪翳人跡不到鄉來晦翁在郡時始克芟夷支徑植亭山巔幽人勝士因得相與摩莎石上弔古懷遠有翛然感慨之意求其集顧無有豈非此邦之軼事歟集竊不自揆模寫詩文槩爲一編去其卷第與夫五孝傳以下四八目雜著所爲犯是不韙非敢有所去取直欲嚆嚳眞淳吟詠情性以自適

其適尙庶幾乎所謂遣馳競之情祛鄙吝之心者雖以是獲罪世之君子亦不辭也紹熙壬子立冬日顛川曾集題

箋註陶淵明集十卷

元刊本

題廬陵後學李公煥集錄前有昭明太子序及總論一卷詩文句下略有箋釋間採東坡山谷趙泉山韓子蒼湯東澗張縝胡攷諸人之論附於詩後每半葉九行行十字元翻宋本也

陶淵明集十卷附錄二卷

校宋本

汲古閣毛氏校本孫淇所傳錄孫字寶洲號竹薊邑人也案毛氏祕書目錄載有宋本陶淵明集所謂與世本負然不同者所校當卽出此首詩四卷次雜文

四卷又次集聖賢羣輔錄二卷冠以昭明太子序而退顏光祿誄昭明傳於附錄中附錄上卷爲誄傳年譜年譜河南吳仁傑編次者也下卷爲曾紘說駱庭芝斜川辨集總論集總論凡九條集蘇東坡黃山谷陳后山楊龜山朱晦菴眞西山魏鶴山葛常之蔡寬夫之論也附錄後終以陽僕射序錄宋丞相私記兩則而不載思悅書後一篇不著編刻者名氏觀其引西山諸人說則後於曾刻矣今世所行翻宋刻巾箱本十卷頗精然以此核之互異不少如昭明序結駟連騎之榮此作連鑣之游以見珍而終破此作招破至於子常寧喜之倫於此作如豈不痛哉此作痛矣又楚子觀周又下此有有字抑乃爵祿可辭抑此作

亦卷二詩三十一首此作三十首無問來使一首也  
游斜川詩序辛丑正月丑下此有歲字西田穫早稻  
詩升酒散襟顏此作襟顏詠荆軻詩心知去不歸此  
作公知聯句高柯濯條幹濯此作擢閑情賦序並固  
觸類此作並因桃花源記芳草鮮美此作芳華晉故  
西征大將軍長史孟府君傳西征此作征西仕吳司  
馬此作司空與子儼等疏當思四海皆兄弟之義此  
作皆兄弟集聖賢羣輔錄叔向曰三十七年三此作  
生王敦字處仲此作處沖三墨不尊於名此作於人  
靖節徵士誄此作靜篇末旌此  
靜節同轍途殊軌者多矣此  
作輟塗傳昭明太子撰昭上此有梁字即日解綬去  
職解下此有印字北齊楊休之序錄此作陽休之宋

朝宋丞相私記此作本朝曾紘說寄示莪陽太守公  
此作義陽案劉宋有義陽郡而地志從未有莪陽也  
至子注之可正其譌者如阻風規林詩注一作清此  
作清下澗田舍穫詩注一作事耕稼此在勳字上責  
子詩題注五人上空格此作共歸去來兮辭注一作  
足爲缺兩字此云一作過足爲潤讀史述七十二弟  
子章賜獨長年下注一作永年又作卒作此於長字  
下注云一作永又作卒張長公章誰知斯意下注一  
曰世路皆爲而我獨異此注在皆爲我異下又多一  
作世路多僞而我獨異十字集聖賢羣輔錄趙無恤  
襄子注趙襄始爲卿此作趙衰右八顧注漢書此作  
後漢書太常張奐注幽閑清靜此作幽并其餘互異



脫漏不可殫述略舉數條是本之勝已可概見矣

鮑氏集十卷

影鈔宋本

宋鮑照撰前有序題散騎侍郎虞炎奉教撰序後接卷一目日後即接本文每半葉十行行十六字目空五字題空四字卷首有顧澗蕢氏記云此鮑集與讀未見書齋所藏毛氏影宋本同第二卷缺去兩半葉予從彼補寫入末有黃蕘圃跋

鮑氏集十卷

校宋本

宋鮑照撰明正德時朱應登刻本有虞炎序及應登跋錢遵王以宋本校過卷末題云戊午十月三日從宋槧本校一過中闕二葉補錄完述古主人錢遵王此本蓋葉石君傳錄者

卷首有樸學齋朱記

江文通文集八卷

校元本

梁江淹撰明嘉靖刊本板刻清朗而有譌闕又闕文多以意補字馮已蒼氏以元人所鈔趙箕翁本手校一過乙改甚多並錄卷末自序前缺辭三首其牲出入歌辭云祝詳史具禮備樂薦有牲在陳有鼓在懸騰燭象星奔水類電郊燎速駕馭彼乘駟以伺質明以仁神宴薦豆呈毛血歌辭云時蒸時祀有物有則伊我上聖實挹明德犧象交陳鬱尊四塞忝惟嘉穀酒惟玄默薦通蒼祗慶覃黎黑願靈之降祚家祐國奏宣列之樂歌辭云殷崇配天界尊明祀瑞合汾陰慶同泰時青幕雲舒丹殿霞起二曜維新五精告始于以享之景福是履又錄趙跋云余先人避地蕭山

因而老焉視蕭山不啻桑梓也所居之東一里許曰江寺蓋梁左衛將軍文通別業其子昭立捨爲浮屠前有夢筆橋迺後人想像其陳迹爲之文不足徵殆千年矣頃歲余領國子學閱崇文閣舊書得江文通集欣然曰夢筆之驗其在是乎錄以示寺僧有成輩咸願刻之以傳余按文通濟陽考城人今考城已不知有文通矣唯蕭山故居獨存毋乃文通爲東海郡丞或吳興令時往來所寓耶逸事寥寥不可考矣然名藍上人猶能追慕前修紀錄製作爲可尙已繼自今潘水之涘豈無懷錦韜筆褒然文鳴者出焉則文通過化餘澤久而益溥亦有成諸同袍樂善之著也工告訖功謹誌於左至正四年良月初吉中大夫蘄

州路總管兼管內勸農事趙箕翁跋馮手書跋後云戊子秋仲之晦初得元人鈔本至季秋之十二日始校完元本多樂府三章此本不知何以刪去而元本所缺此本又以意填增文理荒悖可笑今盡口之凡口者元本所無也旁註者元本如此而又可兩通者也後附裝別本文通銅劍讚一卷

卷首有上黨馮氏藏本馮已蒼讀書

記孫潛之即孫二酉珍藏諸朱記

庾開府詩集四卷

明刊本

周庾信子山撰此卽錢遵王所謂存餘堂本明朱子儋刻有跋子山詩猶未全備前有序不著撰人引及杜少陵語是出唐宋人矣

東臯子集三卷

舊鈔本

唐王績撰唐志晁陳書目俱作五卷此止三卷有呂才陸淳序舊爲脈望館藏書繼歸述古堂見敏求記卷末有趙清常題記云金陵焦太史本錄出校於清溪官舍時萬曆三十七年十月十四日

寒山詩一卷豐干拾得詩一卷附慈受擬寒山詩一卷明刻本

唐天台唐興縣寒巖僧號寒山子豐干拾得皆國清寺僧其跡甚異台州守閻邱允錄得其詩以傳宋時名三隱集此本板心有三隱字板刻甚舊印用繭紙後附慈受和尚名懷深擬寒山詩自序作於建炎四年謂結茅洞庭擬其體成一百四十八首卷首有閻邱允序寒山詩後有杭州錢塘門裏車橋南大街郭

宅紙鋪印行一行末有比邱可立募眾刊行一行又有誰月軒人玉峰跋

楊盈川集十三卷舊鈔本

唐楊炯撰唐志三十卷晁氏讀書志二十卷今世行本僅有童佩張燮兩家所輯此仁和盧氏重訂張本有張燮序與童本分卷不同舊爲李松雲藏書每板心有文選閣三字卷首有曾在李松雲處朱記

駱賓王文集十卷明刊本

世傳顏文選注本止四卷非舊第此十卷本凡賦頌一詩四表啟書二雜著三尙出郝雲卿編次之舊有郝序與唐志及宋刊蜀本合其代李敬業檄結句合是誰家之天下足正俗本合作竟之誤

陳伯玉文集十卷

明刊本

唐陳子昂撰明新都楊春射洪楊澄校定前有盧藏用序後系伯玉別傳與陳氏書錄合直齋曰盧序簡古清壯非唐初文人所及 四庫所收本闕第七卷 馮牙文崇海文弔塞上翁文祭孫府君文此本有之 惟闕餞陳少府序一首 卷首有金元功藏書記深柳讀書二朱記

宋之問集二卷

明刊本

晁陳二家書目俱載十卷今存二卷蓋明人掇拾之本也板刻清朗每板心有崦西精舍四字

張說之文集十卷

影鈔宋殘本

唐張說撰存詩集十卷舊為碧鳳坊顧氏藏書從之傳錄足訂明刻本之誤如卷首喜雨賦二首一題御

製一題應制明刻無之是誤以御製為自作矣又卷五醉中作五言絕句一首有目無詩卷六廣州蕭都督入朝過岳州晏餞詩一首下闕一葉凡詩八首此本皆全

張說之文集二十五卷

明刊本

明初椒郡伍德手自錄本作記屬子孫付刻至嘉靖間其後裔刻之序後有嘉靖丁酉冬十月朔旦椒郡伍氏龍池草堂家藏本校刊一行有項篤壽序伍德跋

張曲江集二十卷

明刊本

唐張九齡撰明成化間邱文莊公得館閣藏本手自鈔錄屬韶郡太守江陰蘇韡刻之案陳氏書錄云元

祐中有鄧開刻本後附樊子彥所作行狀徐浩神道碑鄭宗珍議諡文獻狀此本無之殆所謂蜀本是也

有文莊序蘇韓跋舊爲飛鴻堂汪氏藏書卷首有新安汪氏啟

漱信印

分類補註李太白詩二十五卷

元刊本

宋春陵楊齊賢子見集注元章貢蕭士贇粹可補注並序楊注單本不傳此則蕭氏所刪補者注明齊賢曰士贇日以別之書成於至元辛卯旋即刊行日後有墨圖記云建安余氏勤有堂刊

新刊校定集注杜詩三十六卷

宋刊本

宋郭知達編據四庫提要有淳熙八年知達自序寶慶元年曾噩重刊序此本二序已佚詩分體編次

目中有注新添者陳氏書錄謂福清曾噩刻板五羊漕司載爲善本卽此書也原本缺卷十九廿五廿六三十五三十六鈔補全每卷後有寶慶乙酉廣東漕司錢板一行朝議大夫廣東路轉運判官曾噩承議郎前通判韶州軍州事劉鎔潮州州學賓辛安中進士陳大信同校勘四行每半葉九行行十六字注字同朗徵樹構敦字俱闕筆容齋隨筆云蜀本刻杜集以老杜事實爲東坡所作遂以入注殊誤後生云云此本但取王文公宋景文黃豫章王原叔薛夢符杜時可鮑文虎師民瞻趙彥材凡九家而不取僞蘇注其鑿裁有識矣字體端勁雕鏤精善尤宋板之最佳者案黃鶴補注後此書三十餘年而未嘗引及之集

千家注僅載王洙王安石胡宗憲蔡夢弼四序而未載知達序豈亦未見此書耶

門類增廣十註杜工部詩六卷

宋刊殘本

不著何人編輯卷首題前劍南節度參謀宣義郎檢校尚書工部員外郎賜緋魚袋杜一行其書分類每類分古律體後來徐居仁編千家注杜詩亦依之分類原二十五卷今存卷一卷二紀行述懷門卷七居室鄰里題人居室田圃門卷八皇族世胄宗族外族婚姻門卷九仙道隱逸釋老寺觀門卷十四時門凡六卷自一二兩卷外板心及每卷首行皆爲作僞者剗改今爲是正之如此諸家之注俱出宋人坡云者東坡有老杜事實朱子謂閩人鄭昂僞爲之者也趙

云者西蜀趙次公字彥材著有杜詩正誤者也僻云者河東僻蒼舒有續注杜詩者也又僻云者僻夢符有廣注杜詩者也杜云者城南杜修可有續注杜詩者也杜田云者字時可有詩注補遺舉其名以別於修可也鮑云者縉雲鮑彪字文虎著有譜論者也又有新添集註等目新添者各家成書以外之說不專一人集註者采他書之注也詩篇每首後俱有切音每半葉十二行行大字二十二小字夾注三十宋諱殷鏡徵讓字有減筆是書各家書目俱未著錄舊爲吳中袁氏藏本

卷中有袁與之氏袁襲印袁尙之氏袁季子汝南袁襲諸朱記

集千家註分類杜工部詩二十五卷附文集二卷

元刊本

題東萊徐居仁編次臨川黃鶴補註目錄後有註杜

詩姓氏一卷年譜一卷其傳序碑銘一卷已闕此卽  
皇慶元年余氏勤有堂刊本後廣勤書堂得其板附  
以文集二卷故所刊字蹟迥異而目錄後及卷二十  
五末葉原有皇慶壬子余志安刊於勤有堂一條亦  
已剷去不存余氏歷宋及元世以刻書爲業勤有堂  
之號亦相承弗替是本與分類補註李太白詩同時  
刊行繕刻清朗檢核無譌雖出後印亦足貴也卷首有鳩  
林書集  
朱記

集千家註批點杜工部詩二十卷

元刊本

題須溪先生劉會孟評點不著何人編輯須溪子將  
孫序謂高楚芳以舊註刪訂重刊詩中舊註俱各標  
名其不標名及圈點皆須溪筆

杜工部草堂詩箋二十六卷

宋刊殘本

題嘉興魯豈編次建安蔡夢弼會箋原書五十卷附  
外集一卷今存卷第二十六至末每卷標明作詩時  
地某年編集卷五十爲逸詩拾遺外集爲倡酬附錄  
其二十七卷後有雲衢余成元德校正一行他卷或  
有或無每半葉十一行每行大字十九小字廿五案  
魯氏原注十三卷今不傳蔡氏原序見集千家註杜  
詩謂先正字之異同次審音之反切後卽作詩之義  
以釋之書成嘉泰甲子當卽其時所刻卷中有玉蘭  
葦圖書記長白敷槎氏謹  
齋昌齡圖書印諸朱記

須溪批點選註杜工部詩二十二卷附趙東山類選五言

詩一卷虞伯生註七言詩一卷

明刊本

題須溪劉辰翁批點元虞集伯生註解東山趙子常  
批評前有羅履泰序後有黎堯卿跋

杜工部五言律詩二卷

明刊本

題元趙汭子常註前列舊唐書杜甫傳一篇舊有董  
文玉序已失卷分上下分朝省宴遊感時羈旅閑適  
宗族送別哀悼登眺朋友感舊節序天文禽獸題詠  
十五類板刻楮印俱精明刻中僅見者案嘉靖中章  
美中重刻杜律二註序云關中舊本有虞趙二註本  
最為詳明支分句解挈旨探原宛然朱子釋詩家法  
此殆即關中本也舊為懷清堂藏書

右曾西崖  
記諸朱記

王右丞文集十卷

影鈔  
宋本

題尚書右丞贈祕書監王維撰前有寶應二年弟縉  
進集表及答詔其書編次分類不分體舊為述古堂  
藏本遵王氏謂出宋時麻沙本而山中一半雨不作  
一夜雨足徵其本之佳卷首有牧翁題記云王右丞  
集宋刻僅見此本考英華辨證字句與此互異彼所  
云集本者此又不載信知右丞集好本良不易得也

卷首有彭城楚殷  
氏讀書記朱記

王摩詰集十卷

校宋  
本

此傳錄義門何氏校本卷後有題記云摩詰集先借  
毛斧季十丈宋槧影寫本屬道林叔校過康熙己亥  
又借退谷前輩從東海相國架上宋槧本手抄者再  
校此集庶可傳信矣案宋本與今本異者五言絕句



中太平詞至閩人贈遠十五首列第一卷末作王涯詩在七言十五首後七言絕句中獻壽詞至秋夜曲十五首列第一卷末亦作王涯詩在寄崇梵僧後又與盧員外象過崔興宗林亭詩後有盧象王縉裴迪崔興宗同作詩四首今本闕之

岑嘉州集七卷

明刊本

唐岑參撰案參南陽人文本曾孫天寶三載以第二人及第仕至職方郎中兼侍御史事蹟見唐才子傳集名嘉州者以爲其地刺史也與杜工部倡酬詩名甚著杜確謂其每一篇就人人傳寫雖閩里士庶莫不諷誦吟習此正德刻本分七卷原出華泉邊貢所藏猶是宋元以來相傳之舊本較別本爲勝如卷二

中酒泉太守席上醉後作一首別本以起四句另爲一首編入七絕大誤又優鉢羅花歌序云天寶景申歲參忝大理評事云云案景申卽丙申唐人諱丙爲景是爲天寶十五載七月肅宗改元至德七月以前猶是天寶紀年此詩蓋作於是時別本改景爲庚不知天寶無庚申也卽此二條可知此本之善矣有杜確序及熊相刻板序邊貢跋

徐侍郎集二卷

舊鈔本

題唐中書侍郎集賢院學士徐安貞撰案安貞原名楚璧字子珍信安隴邱人善五言詩一歲三應制科皆及第開元中爲中書舍人集賢學士累遷中書侍郎天寶中卒事蹟見唐書唐會要是集凡賦詩一卷

文一卷附錄本傳及詩贊等一卷傳本集稀舊爲脈  
望館藏書後歸述古堂著錄敏求記中有趙琦美手  
跋曰辛丑正月初四日患痰火不能出戶擁爐閱此  
卷是年元日大風可拔木發屋凡三日乃殺偶記錢  
曾記曰安貞嘗參李右丞議恐其罪累逃隱衡岳山  
寺爲掇蔬行者喑啞不言者十年然猶餘塵瞥起時  
時聞誦峴山思駐馬漢水憶回舟及暮雨衣猶溼春  
風帆正開之句可見文人習氣循迴藏識中一字染  
神不與窮塵劫灰同盡於終古也

秦隱君詩集一卷

影鈔宋本

唐秦公緒撰隱君有詩名於天寶間避亂居剡川後  
隱於泉之南安山不知所終呂夏卿嘗錄其詩而傳

之宋紹興間有張端刻本此卽其本影寫者有夏卿  
序及端跋

高常侍集十卷

明刊本

唐高適撰晁氏讀書志尙有集外文一卷別詩一卷  
今不傳此本尙出舊第惟重陽律詩一首迺程俱作  
見北山小集宜別出之

孟浩然集四卷

明刊本

是集宋本作上中下三卷以意分類不標名目詩凡  
二百十首有天寶四載宣城王士源序及天寶九載  
韋迺序此出後人重編較多四十五首

常建集二卷

明活字本

唐志建詩一卷陳氏書錄亦同汲古刻本作三卷此

二卷本當亦明人所分也

漫叟文集十卷拾遺續拾遺一卷明刊本

唐元結撰案陳直齋謂次山集有蜀本江本蜀本有自序及拾遺江本拾遺文分載十卷中有李商隱序又戴剡源謂永州本刪去浪翁觀化惡圖惡曲出規處規訂司樂氏等十四篇此明初刻本疑出自蜀本惟中興頌不列拾遺與直齋所言微有不合卷四朝陽巖下歌朝陽洞口寒泉清句下正德時湛甘泉刻本脫去零陵城郭夾湘岸巖洞幽奇當郡城荒蕪自古人不見三句此本有之

元次山集十卷拾遺一卷明刊本

此正德間湛甘泉刻本有序其書無續拾遺而有自

序自釋二篇卷首有鮮知道人題記云元次山集十

卷補遺一卷依宋板本讐勘無譌舊為陳仲魚藏書

皇甫冉詩集七卷附皇甫曾詩集一卷明刊本

題唐補闕潤州皇甫冉茂政著刑部郎中江都蕭海校正茂政為元晏先生後潭州長史顛之子天寶中與弟曾同登第授無錫尉後為左金吾衛兵曹參軍終左補闕其詩即曾所輯有大歷十四年獨孤及序皇甫曾詩集題唐監察御史皇甫曾茂政著茂政乃孝常之誤官御史坐貶舒州司馬楊翟令兄弟齊名人比之張景陽孟陽

顏魯公文集十五卷明活字本

唐顏真卿撰原書已失嘉祐中宋次道嘗集其刊於

金石者成十五卷劉原父序又謂吳興沈氏有輯本  
後留元剛刻於永嘉序云沈本卽宋本不知何據此  
明錫山安國以活字銅版印行者板心有錫山安氏  
館五字較萬厯間魯公裔孫允祚刻本獨完善殆出  
留氏舊本惟補遺一卷有目無書年譜一卷亦闕

書上人集十卷

舊鈔本

唐釋皎然撰于迪序舊爲崑山葉氏藏書板心有賜  
書樓三字卷末有括蒼山人恭煥題記云書上人集  
二冊乃無錫談學山綽板釘宋鈔本罄室借錄予與  
錢子契合亦借錄焉是集人有藏者不能如此之備

云云恭煥字伯寅文莊五世孫

卷首有葉恭煥印葉伯寅圖書二朱記

劉文房集六卷

宋刊殘本

唐劉長卿撰原書十一卷今存第五至十每半葉十

字二行行二十一字貞敬字有減筆冊首有正書翰林

國史院官書七字長印蓋明時鈐記也舊爲士禮居

藏書

韋蘇州集十卷

明刊本

唐韋應物撰明弘治間楊一清出所藏鈔本刊於隴  
州其書編次分類不分體與王右丞集同猶出宋時  
舊第卷首有拾遺數首汲古本所出也有王欽臣序  
楊一清跋

毘陵集二十卷

舊鈔本

題朝散大夫使持節常州諸軍事守常州刺史賜紫  
金魚袋獨孤及撰前有李舟序後有梁肅後序卷末

有無名氏題記曰戊子七月借上黨馮氏本命僮子錄出略校一過誤舛處苦無據就可知者略爲改正俟得善本更訂之似是葉石君手迹

錢考功詩集十卷

舊鈔本

題唐尙書考功郎中吳興錢起仲文撰集中古體詩題曰往體與陸龜蒙松陵集同可知其本爲舊矣義門何氏以朱筆校過卷末有題記云此冊乃明景泰以上抄本雖書迹不工猶有元人氣脈其優於新刻處亦復不少後人所當珍惜丙戌秋日焯記舊藏稽瑞樓陳氏

陸宣公集二十二卷

校本

唐陸贄撰權德輿序分制誥十卷奏草七卷奏議七

卷舊爲錢求赤藏書以宋刻本校過求赤名孫保遵

王從子亦喜藏書多善本

卷首有錢孫保一名容保錢興祖印孝修錢孫臨印

鴻蒙蔣廷錫印青桐居士諸朱記

唐陸宣公集二十四卷

明刊本

前列權德輿序蘇軾奏進劄子凡制誥十卷奏草七卷中書奏議七卷與權序翰苑集卷數合猶出自舊本也至文賦表狀十五卷爲別集陳直齋時已不傳矣

權文公集十卷

明刊本

唐權德輿撰是本乃楊升庵得於滇南士人家止有詩賦十卷其文四十卷有目無書嘉靖辛丑劉大謨刻之並列其目有楊嗣復序及敖英後序今則五十

卷本亦出矣

韓集舉正十卷外集舉正一卷敘錄一卷

影鈔宋本

宋方崧卿撰前有自序云韓文自校本盛行世無全書歐公謂韓文印本初未必誤多爲校讎者妄改僕嘗得祥符中所刊杭本四十卷其時猶未有外集今諸集之所謂舊本者此也旣而得蜀人蘇溥所校劉柳歐尹四家本此本嘉祐中嘗刊於蜀故傳於世繼又得李左丞漢老謝參政任伯所校祕閣本李本之校閣本最爲詳密字之疑者皆標同異於其上故可得以爲據大抵以公文石本之存者校之閣本常得十九杭本得十七而蜀本得十五六焉今只以三本爲定其詩十卷則校之唐令狐氏本碑誌祭文則以

南唐保大本兼訂焉其趙德文錄文苑英華姚寶臣文粹字之與舊本合者亦以參校諸本所不具而理猶未通者然後取之校本焉韓文舊本皆無一作蜀本間有一二亦只附見篇末今皆一遵舊本而別出此書字之當刊正者以白字識之當刪削者以圈毀之當增者位而入之當乙者乙而倒之字須兩存而或當旁見者則姑註於其下不復標出閣與杭蜀皆同則合三本而言之同異不齊則誌其長者其他古本如汝多作女互多作予預作與傲作敖叢作藜缺作缺二十三十之爲廿非此類非一亦不敢盡從刊改今之監本已非舊集然校之潮袁諸本猶爲近古如送牛堪序閣本杭本皆繫於十九卷之末惟此本

尚然今用以爲正而錄諸本異同於其下此本已正者亦不復盡出庶幾後學猶得以考韓氏之舊也又有後跋云右昌黎先生集四十卷目錄一卷外集一卷附錄五卷增考年譜一卷崧卿試郡嶺麓閑日居多課其餘力獲從事於斯常念韓氏舊集世已罕傳歲月既久則散逸殆盡披拾其僅存者稽而正之以還舊觀亦討古之一助也第惟淺識謏聞管窺自信源流不白何以傳諸人因復次其異同記其訛舛之自爲舉正十卷使人開卷知所自擇而韓氏義例亦粗見於綱領中噫一代文宗膾炙人口相傳以熟莫覺其訛陋學苦心儻識者補其遺繆淳熙己酉二月朔日莆陽方崧卿書案此書作後朱子因之爲考異

考異行而此書幾晦幸有影宋本流傳尙可考見每半葉十一行行二十字注字同桓字闕筆敦字不避猶出淳熙舊刻也

昌黎先生文集四十卷外集十卷

校宋本

此從張甥純卿所藏邑前輩錢求赤校本傳錄於明刻本上錢舊藏宋刻洪興祖注本失去又有吳汝明翻洪本校勘未精後借得宋刊小字浙本校之今核與方崧卿所云杭本者一一脗合疑卽祥符杭本朱子所云監本是也前李序有結銜云門人朝議卽行尙書屯田員外郎史館修撰上柱國賜緋魚袋李漢編方崧卿謂蜀本亦同後有歐陽修記舊本韓文後呂夏卿後序二篇其遺文一卷則無之每半葉十五

行每卷前俱載題目其字句異處與朱子考異所云  
或作者合而考異所載尙未全如石鼎聯句詩序自  
衡山來山下注蔡作岳長頸而高結注介甫本無高  
字子爲我書吾句下注蔡無吾句二字詩旨有似譏  
喜詩下注介甫作思喜思益苦思下注舊本吟劉把  
筆吾詩云云下注蔡本云劉進士把筆則又高吟聯  
詩云云又似無足似下注蔡作驚植此傍路坑傍下  
注王作過徒示堅重性重下注一作貞全勝瑚璉貴  
勝下注舊本服此皆可備參覈而未及舉者其餘尙  
多不勝數也篇次與考異本同惟贈河陽李大夫苦  
寒歌二首列正集第七卷末不入外集中爲稍異耳  
朱文公核昌黎先生文集四十卷外集十卷遺文一卷

本

題晦菴朱先生考異留耕王先生音釋有李漢序及  
朱子王伯大序此王氏重編朱子韓文考異本將考  
異散入集中各句下曾刻南劍州其音釋原附各篇  
末此亦散入各句乃元時書肆本非王氏之舊矣惟  
較明朱氏所刻誤脫尙少舊爲黃丈琴六藏本  
鴻之印黃琴六  
讀書記二朱記  
韓文正宗二卷明刊  
是書無編輯姓氏前有序亦不題名全書用眞氏文  
章正宗中韓文七十五篇附以呂氏關鍵謝氏軌範  
樓氏眞寶虞氏文選中十有三篇爲眞氏所未及者  
篇有圈點評論極爲詳明蓋元明時家塾課本尙知



宗仰昌黎也卷末有墨圖記云庚寅年季夏月安正堂新刊行

卷首有雅爾哈善朱記

五百家註音辨唐柳先生文集十一卷

宋刊殘本

宋魏仲舉編原書四十五卷今存第十六卷至二十

一第三十七卷至四十一卷中有舊註集註補註曰

章曰孫曰韓曰童曰汪曰黃曰劉而皆不著其名每

半葉十行每行大字十八小字廿三貞徵恆字皆有

減筆楮印甚精舊為吳中文氏藏書

每卷首有文伯仁德承章梅花

翁李氏重父家藏二朱記

增廣註釋音辨唐柳先生集四十三卷別集二卷外集二

卷附錄一卷

元刊本

題宋南城童宗說註釋新安張敦頤音辨雲間潘緯

音義有劉禹錫序及陸之淵音義序書中註文各標

童云張云潘云以別之其本集外集合而為一亦非

劉夢得原編之舊矣舊為嚴氏藏本卷末題云康熙

歲次壬戌秋八月二十有三日戊戌嚴虞惇閱記

卷首

有嚴虞惇印正學圖書鳳山草堂諸朱記

劉夢得文集四卷

宋刊殘本

唐劉禹錫撰原書三十卷今存第一卷至四卷款式

與劉文房集同惟文房集題低六格此低四格四卷

末亦有翰林國史院官書鈐記

劉夢得文集三十卷外集十卷

舊鈔本

題正議大夫檢校禮部尚書兼太子賓客贈兵部尚

書劉禹錫撰舊為士禮居藏本黃蕘圃氏以宋刻殘

本及張訥菴藏舊鈔本校過案文集三十卷明時有刻本外集流傳甚少舊鈔猶出自宋刻也

呂和叔文集十卷

舊鈔本

題朝議郎使持節衡州諸軍事守衡州刺史上騎都尉賜緋魚袋呂溫撰述古堂藍絲闌鈔本左線外有錢遵王述古堂藏書八字其中六七兩卷實馮已蒼所未見者世傳馮本皆闕觀敏求記題語知是本猶鈔自絳雲也

張司業詩集八卷

舊鈔本

題祕書郎國子博士水部員外郎國子司業張籍撰翰林學士中書舍人張洎編次有序陳氏書錄云張洎所編者名木鐸集十二卷近湯中以諸本校定為

八卷序而刻於平江此即鈔自湯本也舊為孫潛夫藏書有手跋曰此本鈔得久矣己丑十二月因用錢宗伯家原本讀一過其引別書參入者係宗伯手筆云又用一鈔本勘定其本分三卷五言今體上七言今體中樂府為下蓋近人分體本也比此本少二十餘首字句頗有可參者亦藏宗伯處

皇甫持正集六卷

舊鈔本

唐皇甫湜撰繭紙鈔本以錢遵王藏本校過世傳毛刻本多脫譌如東還賦尼父聘兮蔡陳一下脫去困身於王者一固窮兮聖人思九州之博大胡自陷於皇甫二十一字送邱孺赴舉序一人不知子也句下脫去他人知子一門不容子也十字錢本皆不闕卷末補

寫陶母碑一篇

皇甫持正集六卷

校本

毛刻此集大半從錢本校而漏略處甚多吳文頊儒  
據小讀書堆影寫本用朱筆校正子準陳文復以吳  
匏菴叢書堂本用墨筆再校一過卷末有題記云嘉  
皇南慶庚辰三月對兩臨校內與朱校合者以點誌之陳

揆志

李文公集十八卷

明刊本

唐李翱撰明成化間邵武郡守西蜀馮師虞校刻有  
何宜序凡一百三篇卷數與唐志合疑卽趙郡蘇氏  
藏本惟趙東山書後曰百四篇此少一篇耳  
卷首有顧孝柔懷烟閣  
讀書記二朱記

歐陽行周文集十卷

校本

唐歐陽詹撰有李貽孫序吳文頊儒傳錄何義門氏  
校本何題記云康熙己丑重陽前一日從內弟吳紫  
臣借得所收葉文莊家抄本手校改正數處葉本與  
此亦互有得失俟訪得宋雕及他藏書家善本當補  
校之

李元賓文集六卷補遺一卷

舊鈔本

唐李觀撰是集相傳陸希聲編者三卷趙昂編外集  
二卷此本不知何人所編舊爲崑山葉九來藏書每  
葉板心有賜書樓三字葉有手跋曰李元賓集凡五  
十題而闕其一他如集中所載上李令公放歌行一  
篇趙員外詩三十首皆無可考則其所不載而散佚

者蓋未涯也尤多舛錯不可妄為改竄姑襲抄之以  
須善本

孟東野詩集十卷

明刊本

題山南西道節度參謀試大理評事平昌孟郊撰詩  
凡五百十一篇聯句後附讚一首書二首猶是宋次  
道所編之本次道有序舊藏披雲閣徐氏

卷首有披雲閣徐氏

圖書麟趾栖谷諸朱記

歌詩編四卷

金刊本

題隴西李賀長吉卷第一凡五十九首第二凡五十  
四首第三凡五十七首第四凡五十首每半葉十行  
行二十字有後序云龍山先生為文章法六經尚奇  
語詩極精深體備諸家尤長於賀渾源劉京叔為龍

山小集敘云古漆井苦夜長等詩雷翰林希賢麻徵  
君知幾諸公稱之以為全類李長吉亂後隱居海上  
教授郡侯諸子卑士先與余讀賀詩雖歷歷上口於  
義理未曉又從而開省之然恨不能盡其傳及龍山  
入燕吾友孫伯成從之學余繼起海上朝夕侍側垂  
十五年詩之道頗得聞之嘗云五言之興始於漢而  
盛於魏雜體之變漸於晉而極於唐窮天地之大竭  
萬物之富幽之為鬼神明之為日月通天下之情盡  
天下之變悉歸於吟咏之微逮李長吉一出會古今  
奇語而臣妾之如千歲石牀啼鬼工雄雞一聲天下  
白之句詩家比之載鬼一車日中見斗洞庭明月一  
千里涼風雁啼天在水過楚辭遠甚又云賀之樂府

藏書目錄卷十九  
觀其情狀若乾坤開闢萬彙濺濺神其變也欵駭人  
耶韓吏部一言爲天下法悉力稱賀杜牧又詩之雄  
也極所推讓前敘已詳矣人雖欲爲賀莫敢企之者  
蓋知之猶難行之愈難也至有博洽書傳而賀集不  
一過目爲可惜也雙溪中書君詩鳴於世得賀最深  
嘗與龍山論詩及賀出所藏舊本乃司馬溫公物也  
然亦不無少異龍山因之校定且曰喜賀者尙少況  
其作者耶意欲刊行以廣其傳冀有知之者會病不  
起余與伯成緒其志而爲之此書行學賀者多矣未  
必不發自吾龍山也丙辰秋日碣石趙衍題何義門  
考謂金劉仲尹字致君蓋州人有龍山集李獻能欵  
叔其外孫也案長吉歌詩編以臨安書棚本爲最善

以此本核之有互異處如卷一蘇小小歌云西陵下  
風雨晦不作風吹雨十二月云依稀和氣解冬嚴不  
作排冬嚴三月過行宮一首次湘妃後不在卷二感  
諷後卷二黃頭郎云石雲溼黃葛不作爲黃葛馬詩  
云年時鹽坂上不作午時唐欲斬隋公不作唐劍仁  
和里雜敘皇甫湜云疫瘡衝頭鬢莖少不作疫氣感  
諷云蟾光掛雲岫不作掛空秀卷三送秦光祿北征  
云正室臂鸞釵不作擘鸞釵謝秀才有妾縞練云栖  
鳥上井塘不作井梁畫江潭苑云宋本江上有鸞鸞  
追賦二字啼深竹不作鸞鸞奉和二兄罷使云留愁翻隴水不  
作笛愁題趙生壁云木蘚青岡老不作青桐老河陽  
歌云花燒中誕城不作中潭城秦宮詩云雲閑酒暖

春茫茫不作人間酒暖午夜銅盤膩燭黃不作十夜  
桐陰永巷調生馬不作桐英永夜騎生馬醉臥氍毹  
滿堂月不作醉睡春歸滿堂月昌谷云顏子鬢先老  
不作鬢先老心曲語形影不作心世韓烏處縉繳不  
作韓烏卷四艾如張云張在野田平碧中不作野山  
平碧中上雲樂後次巫山高一首不在筮篲引後猛  
虎行云強弩莫抨不作莫烹苦篁調嘯引云人間無  
德不能得不脫人間二字榮華樂詩齒編下空一字  
宋本連刻貝字則不成句瑤華樂次相勸酒前上之  
回云天高度雷齊墜地不作慶雷許宮子鄭姬歌云  
清絃十五爲君彈不作五十曲裏長眉人見少不作  
少見人出城別張又云光明靄不斷不作不發家庭

疏篠竿不作篠穿至高軒過云東京才子文章公不  
同俗本有云是二字及鉅字又九精照耀貫當中不  
作元精耿耿貫當中此本與宋本俱同宋本有集外  
詩一卷此本無之舊爲文氏藏書卷末有林承朱記

李賀歌詩編四卷集外詩一卷影鈔宋本

題隴西李賀案長吉詩吳正子錢遵王俱曰京師本  
無後卷有者鮑本也又薛季宣曰蜀本無外集宣城  
本有之此述古堂影寫宋本前有杜牧序卷末有臨  
安府棚前北睦親坊南陳宅經籍鋪印一行寫手工  
整楮墨如新想見當日彭城氏之本率精好如此卷末

有虞山錢曾遵  
王藏書朱記

盧仝詩集二卷集外詩一卷明刊本

唐盧仝撰晁氏讀書志作一卷是本乃明時吳郡陸涓以家藏宋刻翻雕蓋別一本也其集外詩則韓盈所掇拾有韓序及陸跋

沈下賢文集十二卷

舊鈔本

題吳興沈亞之下賢前有無名氏序云刻於元祐丙寅此出馮氏鈔本同里葉奕傳錄之孫明志再錄之復以陳氏藏本校過葉有手書跋云崇禎四年假馮已蒼鈔本舅氏楊伯仁爲余錄就冬十一月假馮偉節原本校對四卷遷延八月未及卒業今何公虞見促閱一晨夕校畢五年六月十有二日葉奕記於虞山之誌室孫跋云丁亥歲家叔假此本於葉君託姚君陞錄之錄訖余爲校一過姚君又收得陳御史察

所鈔舊本余因借得校此本雖差誤頗多亦時有一

二佳處凡額間及行中墨筆注者皆陳本也十一月

十七日校完識此案此本又藏葉石君處

卷首有樸學齋朱記

沈下賢文集十二卷

鈔本

此稽瑞樓藏本揚州吳葵生彙各本校過有吳氏翌鳳跋云余傳此本於青芝張氏閱八年矣壬寅春復借毛襄藏本對校一過又二年復從文苑英華對讀一過黃氏丕烈跋云此本爲故人周香巖藏書於其身後得之因思借本讐校惟吳丈枚庵曾有是書枚庵云逝其子晉齋允余請啟篋出示得對勘一過已卯十一月望日校畢記吳氏景恩手書跋云此本爲吾友陳子準所藏舊有紅筆校勘頗精審今年秋子

準從錢唐何夢華假得黃復翁所校周氏本屬余臨校余爲對勘一過云張本者卽枚庵所錄青芝堂本云毛本者卽毛襄本或但稱吳校者亦是枚庵所校毛襄本也云周本者卽香巖藏本黃復翁所校者也或但稱作某字無某字亦俱是香巖本也周本張本異字悉爲標明其不標張本者周本張本同者也舊校與周本異字亦悉爲標明其不標周本者舊校與周本同者也諸本參錯校例不一故詳具之庚辰秋七月校完誌

李文饒文集二十卷別集十卷外集四卷

明刊本

唐李德裕撰編次與晁氏讀書志合殆出自蜀本有鄭亞序及無名氏後序舊爲古鹽張氏藏書

卷首有張載華

印芷齋圖籍二朱記

元氏長慶集六十卷

校本

唐元稹撰劉麟序馬巽甫刻有婁堅序孫竹鄉校過後有題記云戊申六月三十日在嚴氏井天閣用董思翁閱本校讀一過

元氏長慶集六十卷

校本

此無名氏傳錄義門何氏校本卷首題記云壬辰桂月從義門先生本校正義門本出陸敕先黃俞邵兩家校本二本又出自楊君謙及蒙叟也有楊循吉跋曰弘治元年從葑門陸進士士修借得宋本元氏集命筆生徐宗器模錄原本未畢士修赴都來別索之甚促所餘十卷幾於不成幸竟留之遂此深願九月



二十五日始克裝就藏於鴈蕩邨舍之臥讀齋中永  
爲珍翫且近又借得白氏集亦方在錄可謂聯珠並  
秀合璧同輝矣何焯跋曰余先從趙星瞻得陸敕先  
丈校本改正誤字康熙庚辰陽月復於白下得黃俞  
邵手校本蒙叟跋在焉其辭曰微之集舊得楊君謙  
鈔本行間多空字後得宋刻本吳中張子昭所藏始  
知楊氏鈔本空字皆宋本歲久漫滅處君謙仍其舊  
而不敢益也嘉靖壬子東吳董氏用宋本翻雕行款  
如一獨於其空闕字樣皆妄以己意揣摩填補如首  
行山中思歸樂原空二字妄增云我作思歸樂文義  
違背似不可通此本流傳日廣後人雖患其譌而無  
從是正良可慨也亂後余在燕都於南城廢殿得元

集殘本向所缺誤一一完好暇日援筆改正豁然如  
翳之去目霍然如疥之失體微之集殘缺四百餘年  
而一旦復完寶玉大弓其猶有歸魯之徵乎著雍困  
敦之歲臬月廿七日又跋曰元集誤字始於無錫華  
氏之活板謬稱得水村冢宰所藏宋刻本因用活字  
印行董氏不學因之沿誤耳

白氏文集七十一卷

宋刊本

不題名首系長慶四年微之序連接總目其目但標  
各類不載篇題共分十帙目後連接正文不另葉每  
卷注明某類詩凡若干首每半葉十三行行二十二  
至二十五字不等書中構字注御名桓字注淵聖御  
名是紹興初年刻本也案白集刻於北宋者爲廬山

本分前集後集別集藏於彭城氏者葉石君錢遵王皆曾見過絳雲一炬此本遂泯絕人間次則無踰是本之最古矣明吳郡錢應龍嘉定馬調元俱有刻本而譌脫處不少如卷一酬元九對新栽竹有懷見寄詩曾將秋竹四字下脫二十字云竿比君孤且直中日心一以合外事紛無極其保秋竹卷二答桐花詩爲君二字下脫二十字云布綠陰當暑蔭軒楹沈沈綠滿地桃李不敢爭爲君卷二十六夜招晦叔題前脫失婢詩全首云宅院小牆庫坊門帖榜遲舊恩慚自薄前事悔難追籠鳥無常主風花不戀枝今宵在何處唯有月明知其譌字不可稱數足據以校正者已詳盧氏羣書拾補中盧所見葛氏影宋鈔本卽從此

本出也舊爲文氏藏書後入太倉王奉常家見敏求記及

邑中錢氏揚州季氏崑山徐氏近藏邑中張氏著錄藏書志旋入藝芸書舍汪氏今歸余家公嘗自謂其詩爲吳郡新本乃流轉不出吳中豈公之神所默爲

樊川呵護邪卷首有玉蘭堂季振宜藏書徐乾學健菴汪士鐘藏書諸朱記

白氏長慶集七十一卷

明活字本

是本出明錫山華氏以活字銅板印行前列元稹序每半葉十六行行十六字每卷首注明篇數板心有蘭雪堂三字目錄前後有墨圖記云錫山又蘭雪堂華堅活字銅板印二方

白氏長慶集七十一卷

校宋本

此姑蘇錢應龍刻本孫潛夫傳錄樸學齋校本卷末

題記云丁亥歲買得白集戊子十一月假葉石君校  
云云案廬山本嚮藏絳雲樓庚寅一炬失之幸有校  
本相傳不至湮絕也有元稹序及續後集自序

白氏諷諫一卷 明刊本

唐白居易撰凡五十篇前有自序錢遵王云諷諫原

曰丑自單行其字句與總集中稍異 卷首有巢鳩書屋朱記

樊川文集二十卷別集一卷外集一卷 明刊本

唐杜牧撰嘉靖刻本全仿宋本楮印亦精好錢遵王

嘗謂近刻牧之集乃翻宋雕之佳者與宋本相校無

大異也舊為述古堂藏本 卷首有錢興祖印錢孝修圖書印二朱記

姚少監詩集五卷 宋刊殘本

題祕書監杭州刺史姚合原書十卷今存第一至五  
款式與劉文房集同殷敬字有關筆冊首亦有翰林  
國史院官書鈐記案此本與毛氏刻本不同卷一送  
別上毛本五十首此則五十二卷二送別下四十三  
首此則五十卷三寄贈上四十七首卷四寄贈下四  
十四首此皆作五十惟卷五閑適五十首則同其編  
次前後亦參差互異毛氏所刻出自影鈔宋本謂是  
浙本與川本編次稍異此豈所謂川本乎嚮藏郡中  
黃氏有復翁手跋云此書藏陸西屏家為周文香嚴  
所得後以贈余先是西屏家有劉長卿劉禹錫集皆  
宋刻殘本皆有翰林國史院官書印為余所得故以  
此歸余俾散者復聚且稔知余所藏孟浩然孟東野

集皆與此同一板式今又得此唐集宋刻又多一種  
矣壬申六月識

朱慶餘詩集一卷

宋刊本

此南宋書棚本卷末有臨安府睦親坊陳宅經籍鋪  
印一行案席刻唐百家詩亦有是集行款相同而校  
勘字句此本實異如送陳標云滿酌歡僮僕相隨卽  
馬啼不作勸僮僕郎馬啼尋古觀云看過天墻漸入  
深不作天壇將至上京別李侍御云身爲當去雁雲  
盡到長安不作唯當隨去雁雪盡到長安題薔薇花  
云浮陰入夏清不作浮雲看濤云風雨驅口至不作  
翻前駐和劉補闕秋園寓興云翠筱寒愈靜不作愈  
淨送吳秀才泛江西云蘭橈此去人不作北去和處

州巖郎中遊南溪云潭清蒲遠岸不作遶岸酬于訢  
校書見貽云能口得從軍不作能口從軍口送石協  
律歸吳興別業云一與耕者遇一字不空送僧往台  
嶽云五域初罷講不作五城吳興新隄云暗分功利  
幾千家不作晴分送浙東周判官云蟬鳴遠驛殘陽  
樹不作蟬鳴驛樹殘陽遠蓋席刻出自別本故亦有  
席本是而此本非者每半葉十行行十八字貞樹慎  
字有關筆末有泰興季振宜滄葦氏珍藏一行當是  
侍御手書卷首有張雋之印字文通季振宜藏書乾  
學徐健菴諸朱記末又有玉蘭堂鐵研齋  
梅谿精舍辛夷館印揚州季  
氏御史振宜之印諸朱記

李義山文集五卷

鈔本

唐李商隱撰稽瑞樓精鈔本馮氏藏本原分三卷此

五卷本朱長孺得之重編者也  
溫飛卿集七卷別集一卷校本

唐溫庭筠撰陳南浦校過有題記云庚寅春花朝假  
錢遵王鈔宋本重勘錢本舊有題記云乙酉小春從  
錢子健校本對過一次子健口口口處取宋本校正  
者又記云馮定遠云何慈公家有北宋本爲何士龍  
取去散爲輕烟矣案宋本名溫庭筠詩集一卷至七  
卷目錄連列不分卷一湘宮人歌下卽次黃曇子歌  
不在別集之末

溫庭筠詩集七卷別集一卷

明刊本

此亦馮氏藏本有寶伯題記云太歲戊子季冬之月  
望後一日校練一過此本不甚精好先君子曾獲宋

刻本爲友人借去不復得歸今更存一鈔本頗勝此

也

卷首有簡緣馮氏藏本二朱記

增廣音註丁卯詩集二卷

元刊本

唐許渾撰元大德間刻本錢遵王云元刻較宋板多  
詩太半惟中有寄桐江隱者送宋處士絕句二首前  
後複出元時書肆本不檢多如此舊爲錢罄室藏書

卷首有中吳錢氏收藏印錢叔寶氏二朱記

增廣音註丁卯詩續集一卷

鈔本

此冊不著何人所集疑亦當時元刻附於丁卯集後  
者凡九十五篇分遺篇拾遺續補三類其拾遺類下  
題括蒼葉氏本增多十七篇一行

卷末有松濤見過朱記

會昌進士詩集一卷

舊鈔本

唐馬戴撰戴字虞臣會昌四年進士官太常博士與  
詩人賈島姚合交集中多唱酬之作明皇甫子浚與  
弟子安等論詩嘗舉虞臣猿啼洞庭樹人在木蘭舟  
為五言三昧其集傳本絕稀舊藏嘉興錢氏卷首有  
錢天樹

印味夢軒  
二朱記

碧雲集三卷

影鈔  
宋本

唐李中撰有孟賓于序此愛日精廬張氏從士禮居  
所藏宋本影寫黃氏云毛刻但據元刻未見宋本故  
多闕文

文泉子集六卷

舊鈔  
本

唐劉蛻撰并序舊有十卷本已不傳此明吳讎編輯  
本有辭序

梨岳詩一卷

舊鈔  
本

唐李頰撰此本鈔自元時裔孫邦材刻本有王埜呂  
師仲序及邦材跋舊為馮氏藏書有孱守居士記云  
戊辰春仲得之曹生卷首有上黨馮氏藏本  
錢孝修圖書印諸朱記

李羣玉詩集三卷後集五卷

影鈔  
宋本

舊無題名前有進書表敕旨薦狀制詞後有臨安府  
棚前睦親坊南陳宅書籍鋪刊行一行亦從士禮居  
所藏宋本影寫黃氏云毛刻統前後為三卷亦非出  
自此本也

孫可之文集十卷

校宋  
本

唐孫樵撰並序正德間震澤王氏所刻有文恪序及  
王謬跋顧澗贇氏以宋本校過其二三兩卷宋本互

易顧有題記云道光丁亥因有文粹辨證之役徧搜唐賢遺集得此王濟之所刻孫可之集內閣本復從長洲汪氏借宋槧勘正視汲古本遠過之矣又云龍多山錄云樵起辛而遊泊甲而休此用書辛壬癸甲也刻武侯碑陰云獨謂武侯治於燕夷此用左傳管夷吾治於高俟也見宋刻而後知正德本之謬校定書籍可不慎哉

卷首有樸學齋朱記

麟角集一卷

舊鈔本

題唐水部郎中福清王榮輔之著十九世孫觀編後附錄省題詩宋紹興中八世孫蘋所錄也

卷首有瑣川吳氏收

藏圖書

朱記

文藪十卷

明刊本

唐皮日休撰並序嘉靖間以宋本重雕有柳開序

笠澤叢書四卷補遺一卷

校本

唐陸龜蒙撰此書舊傳有唐鈔本蜀本偶見毛壽君所藏用舊本勘過者借以校譌並補錄小名錄一首王益祥跋王跋殘闕過半矣舊有朱袞樊開序十一

世孫德原跋

甫里集二十卷

明刊本

題唐笠澤陸龜蒙魯望著宋寶祐間葉茵輯本刊置義莊明成化間崑山嚴春重刻之此則萬曆癸卯松江許自昌復以嚴本重刻也陳文子準以嚴本勘過有葉茵林希逸陸欽許自昌序

新雕注胡曾詠史詩三卷

影鈔宋本

題前進士胡曾著述並序邵陽叟陳益注詩京兆郡  
米崇吉評注並續序每半葉十行行二十二字雙行  
夾注每行二十六字以地名爲題首烏江訖滎陽詩  
共一百五十首卷數與文獻通考合 四庫著錄者  
迺別是一本首其工之不周山訖隋之汴水其注不  
同亦不詳何人所注也

司空表聖文集十卷

舊鈔本

唐司空圖撰汲古毛氏鈔藏本編次不分體每卷首  
行卷第下有一鳴集三字以陸敕先校北宋本杜荀

鸛文集證之知自宋本傳錄者有朱筆校正

卷首有黃子羽

讀書記毛子晉氏二朱記

翰林集一卷香奩集一卷

舊鈔本

題翰林承旨行戶部侍郎知制誥萬年韓偓致堯撰  
香奩集後有無題詩四首浣溪紗詞二首黃蜀葵賦  
紅芭蕉賦二首此從宋刻本影寫不名內翰別集亦  
不注入內庭後詩五字

杜荀鶴文集三卷

宋刊本

首行題杜荀鶴文集下題唐風集目錄前題九華山  
人杜荀鶴汲古毛氏所刊用南宋分體本此則北宋  
不分體者以毛本相校字句多不同顧雲序中爲之  
序錄下有乃分爲上中下三卷目曰唐風集十三字  
又得如周頌下有魯頌者別爲之次序景福元年夏  
太常博士修國史顧雲撰序廿四字毛刻周頌下別  
載數行皆無之知南宋本之舛譌也又增多詩三首



卷一和吳太守罷郡山村偶題二首曰罷郡饒山興  
村家不惜過官情隨日薄詩思入秋多野獸眠低草  
池禽欲動荷眼前餘政在不似有干戈快活田翁輩  
常言化育時縱饒稽歲月猶說向孫兒茅屋梁和節  
茶盤菓帶枝相傳終不忘何必立生祠卷二送人遇  
亂湘中云家枕三湘岸門前有釣磯漁竿壯歲則鶴  
髮亂時歸嶽暖無猿叫深春有燕飛平生書劍在莫  
便學忘機卷後有陸氏敕先手跋云世傳分體唐風  
集俱出南宋本余嘗假錢遵王本校過藏諸家塾毛  
斧季新得沙溪黃子羽所藏北宋本既未分體且多  
詩三首與世本迥異偶過汲古閣出以示余且以家  
刻本見貽因校此本攜歸識於燈下壬寅仲冬二十

八日陸貽典

唐祕書省正字先輩徐公鈞磯文集十卷

舊鈔本

唐徐夔撰舊傳探龍釣磯二集已佚此出延祐間裔  
孫玩編輯有師仁及玩序卷中諸賦爲近刻全唐文  
不載者二十餘首

黃御史集十卷

明刊本

唐黃滔撰是書淳熙初有刻本明正德萬曆天啟間  
皆有刻本此則天啟年御史二十三世孫起有所刻  
也有楊萬里洪邁謝諤曹學佺序

李丞相詩集二卷

宋刊本

題隴西李建勳此亦書棚本每半葉十行行十八字  
卷上末有臨安府洪橋子南河西岸陳宅書籍鋪印

一行案此本與席刻本有異者如留題愛敬字不作  
宿題其詩次溪齋後不次宿山房後又小園云竹蘿  
荒引蔓不作竹籬清溪草堂閑興云獨有愛閑心不  
作獨自宿友人山居云荒庭雪灑蒿不作灑篙重臺  
蓮云斜倚西風絕比倫不作北倫籤題宋梓李丞相  
詩集全八字王伯穀筆也卷首有朱子儋印項元沐  
印子京父印項墨林鑑賞

鹿門集二卷

舊鈔本

題閩壁二州刺史唐彥謙撰案彥謙字茂業咸通進  
士乾符末避亂漢南王重榮辟為河中從事歷晉絳  
二州刺史後為閩壁二州刺史卒於官號鹿門先生  
其集世無刊本牧翁所藏出豐南禺所藏宋鈔本此

陳鴻文氏傳錄絳雲本也板心有鸞嘯齋藏本五字

卷首有古吳陳鴻  
太邱氏書記朱記

張蠙詩集一卷

舊鈔本

案唐才子傳蠙字象文清河人乾寧二年趙觀文榜  
進士及第為校書郎調櫟陽尉遷犀浦令蜀王建開  
國為膳郎員外郎復為金堂令有詩集二卷此從宋  
本寫出止有一卷卷末有臨安府棚北大街陸親坊  
南陳宅書籍鋪印一行黃文蕘圖云書棚本皆廿行  
行十八字所見宋刻唐人小集皆如是舊為金孝章  
藏本義門何氏得之復以宋本校過冊首有俊明  
懷不寐道人二

周賀詩集一卷

宋刊本

此亦書棚本每半葉十行行十八字卷末有臨安府  
棚北睦親坊南陳宅書籍鋪印一行義門何氏有手  
跋云東海司寇所有宋槧唐人詩集五十餘家悉爲  
揚州大賈項景原所得此冊經手人朱生乞以分潤  
後歸憩閑堂主人予之表舅也知余嘗購之因而輟  
贈籤是王伯穀先生所題云壬辰冬日何焯記於賚  
研齋

周賀詩集一卷

舊鈔本

案賀初爲僧名清塞李龔編其詩入唐僧宏秀集此  
亦從宋書棚本寫出爲金孝章藏書末有題記云甲  
辰冬十月耿菴借鈔重校又有義門題記云康熙乙  
酉十二月感寒在告手校又云丙戌秋夕得毛豹孫

影鈔宋本又校是冬得王伯谷所藏書棚本又校改  
正一字卷末孝章補鈔贈厲元侍御七律一首宋本  
無之又黃蕘圃題記云甲戌六月見顧竹君藏舊鈔  
本與宋本多同有異者識於上方

卷末有金俊明  
印鹿牀二朱記

甲乙集十卷

宋刊本

題餘杭羅隱昭諫無序跋目錄後記刊板處一行已  
漫漶僅存臨安府三字末金氏二字可審每卷題名  
一行下有詩字一行低二格詩題低三格每半葉十  
行行十八字板心有字數宋諱匡徵桓樹構慎字有  
闕筆當是孝宗以後所刻卷數與陳氏書錄所載合  
惜無後集五卷湘南集三卷耳汲古毛氏刻本有一  
作某此本無之以之相校各有勝處而毛本遜於此

本者如詠繡曰洞房西室女工勞工誤作綠銅雀臺  
曰花開花落淚滿纓纓誤作縕秋日酬張特立曰病  
寄南徐兩度秋度誤作地詠月日兔隈明處弄精神  
隈誤作於送秦州從事日試批書尾話梁州批誤作  
披感別元帥尙父帥誤作師早秋宿葉墮所居日長  
曆報時殫曆誤作厝寄黔中王從事日今日舉場君  
莫問場誤作觴詠簾日玉鉤銀燭共熒煌熒誤作爍  
皆可据以訂正也未有泰輿季振宜滄葦氏珍藏一  
行是侍御手筆卷中有太清虞山錢曾遵王藏書季  
學徐健菴漁洋山人安岐  
振宜藏書季振宜字詵兮號滄葦乾  
安麓村藏書印諸朱記

讒書五卷

舊鈔本

唐羅隱撰宋時刻於新城元大德間裔孫應龍重刻

此從元刻本鈔出其卷二中蘇季子維嶽降神解忠  
孝廉潔疑鳳臺四篇已闕有東嘉黃真輔序紫陽山  
人方回跋

白蓮集十卷風騷旨格一卷

舊鈔本

唐廬岳僧齊己撰舊爲吳氏顧一鶚所藏卷首題記  
云是集爲錢塘汪午晴太史家藏舊本乾隆丙申余  
從事西江書局與太史訂忘年交以此持贈珍若百  
朋云云舉以校毛本正誤甚多風騷旨格亦未刻

有西江省局  
校書朱記

禪月集二十五卷

舊鈔本

唐西岳僧貫休撰明雁里草堂鈔本毛刻亦同惟無  
曇域序及周伯奮童必明二跋且多譌字可據以校



